

外國大事記

民國六年三月十一日

●伯達陷落……英國摩德將軍。在小亞細亞方面。攻破土德聯軍。追擊一百一十哩。遂占伯達。按伯達為美茲波達米亞之重鎮。德國預定建築之伯達鐵道。以此為終點。

●墨西哥選舉總統……墨西哥於本日選舉總統及國會議員。喀郎石氏當選為大總統。

同 十二日

●俄國大革命進行……俄皇下令命下議院停會。經下院決議拒絕。即由下院組織臨時委員會。以議長羅翔柯氏為委員長。強迫俄皇退讓政權。改組內閣。排斥親德派閣員。俄民及前敵軍人。對於此舉。皆表示贊成。革命之勢。遂益熾盛。

●美國宣布商船武裝案……美政府通告各國。自後凡經行德國潛艇封鎖區域之美國商船。概行裝備軍械。以防危險。

同 十四日

●法國陸軍總長之更迭……法國陸軍總長黎郁甫將軍。因故辭職。其職暫由海軍總長加提士大將兼任。

同 十五日

33909 ●俄皇退位……俄國革命。陸續進行。俄京皇宮官署。均被占領。俄皇聞變。方自前敵過回京城。中途接委員會會長羅翔柯要求退位及軍官勸告退位電文。乃不得已宣布詔旨。允從退位。

將政權讓於皇弟米哈爾大公。米哈爾聲言俟受國民正式選舉。始願就任。於是下院委員會。乃組織臨時政府。建設新內閣。以爾伏夫氏為內閣總理。其前任首相及國務大臣。均被逮下獄。新政府復大赦黨人及政治宗教罪犯。許民以言論出版結社信教自由。及工人團體與同盟罷工之自由。辦理普及選舉。速選正式國會議員。訂定選法。以國民兵代警察。同時京外各區及前敵將士。紛紛來電。一致贊助新政府。俄京秩序。因而大定。革命遂告成功。當動亂方亟時。有某伯爵夫人避入中國使館。俄民入館逮捕。經中國公使提出抗議。嗣由俄新任外交總長致函道歉云。

同 十七日

●法國內閣辭職……法國內閣總理白里安氏。因經濟政策。遭國會攻擊。因而辭職。

●美國發生鐵道大罷工

●俄國新政府之宣言……俄國新政府宣言。繼續戰爭。當聯合協約諸國堅持到底。

同 十九日

●法新內閣成立……法國白里安內閣辭職後。現由前內閣之國務員里波氏。改組新內閣。以偏萊活氏為陸軍大臣。新內閣之政策。悉以舊內閣為根據。

33910

●美國罷工風潮平定……美國鐵路人員罷工風潮。經當局與工團領袖協議。規定八小時工作法案。今日風潮已平靜。

●德相赴奧京……德國首相荷爾惠克赴奧京維也納。與奧皇及奧匈國外交大臣會晤。關係會商與俄停戰事。

同 二十二日

●各國承認俄國新政府……本日英法意駐俄京公使。各奉其本國政府命令。承認俄國新政府。

同 二十三日

●美政府承認俄國新政府……本日美總統威爾遜。宣布公文。正式承認俄國新政府。

同 二十四日

●德奧暴動消息……德奧國內人民。因乏食發生暴動。社會黨員乘機附和。惟以交通阻閉。詳情未悉。

同 二十八日

●日本承認俄國新政府……日本政府。本日正式承認俄國新政府。

同 二十九日

●德國政象之近訊……德民自受俄國革命之影響後。紛紛要求改革選舉制度。報紙竭力鼓吹。本日。德首相荷爾惠克在國會演說改革政治問題。又德政府提出增加戰費預算案。聯邦議會。一致反對。

同 三十日

●俄國新政府允許波蘭自治……俄國新政府布告波蘭人民。謂

波蘭可自行依據普及選舉權。組織國會。解決國體問題。

●璦威政府對德抗議……璦威政府。復向德國抗議潛艇封鎖策。

四月 一日

●英國宣布擴張封海區域……英政府布告。自本日起。在北海所劃之封鎖區域。已經更改。其綫本自丹麥海濱外起。向西轉南。今則沿荷蘭領海邊線。銳向東折。

●英法軍在西歐勝利……英法軍隊。於坤廷以西。經激戰之後。佔領阿拉斯。與文斯索間之陣地。一百四十五啓羅邁當。

●美國購買丹屬西印度羣島……美國國務卿。已以美國國庫券英金五百萬鎊。交與丹麥公使。作為西印度羣島之代價。該羣島改名為佛琪里亞羣島。

同 二日

●美國國會開臨時會議……本日美國國會。開臨時會議。美總統威爾遜。以與德宣戰之同意案。提出國會。

同 四日

●奧皇赴德……奧皇與皇后赴德國大本營訪德皇。其目的據世人推測。多謂欲與德國同謀媾和云。

同 五日

●俄國追悼革命烈士……為革命殉身之烈士一百七十八人。今日舉行國葬。軍民執紼者一百萬人。

同 六日

●美德入交戰狀態……美國國會已通過宣戰案。美總統正式布告。美德間已具交戰狀態。美國參議院決議急用戰費美金一萬

萬元。

同 七日

●古巴與德宣戰……古巴國會通過宣戰案。古巴與德國現已入交戰狀態。

同 八日

●美與德絕交……美國已於本日與奧匈國斷絕外交關係。駐美奧使與駐奧美使。均索取通行券。啓程回國。

同 十日

●巴西與德絕交……本日。巴西政府。宣布與德國斷絕外交關係。

●俄政府之聲明……俄政府聲明此次戰爭。並無領土侵略之野心云云。

同 十一日

●美國國會通過募兵籌費案……美國衆議院通過議案。募准民兵百萬人。籌戰費美金五十萬萬元。

同 十二日

●保加利亞之紛擾……保國發生擾亂。有大多數民黨。以厭戰之故。謀推翻保王飛蝶南云。

同 十三日

●俄德社會黨之活動……德國社會黨若干人。至瑞典。與俄國社會黨會晤後。至丹麥京城。開會協議單獨媾和。惟俄國有力新聞多反對其事。

同 十五日

●奧政府之宣言……奧政府宣言。略謂讀本月十日俄政府之宣言書。乃知俄政府之求榮譽和平。其志適與奧國相同。奧政府與俄政府。皆不願壓服他國人民之意旨。故今日可謂奧俄兩國同求保障各交戰國存在與尊崇及發展機會之和平。奧匈帝國。自省所主張之一切。不與俄國相牴觸。俄國曾謂彼之作戰。僅爲保護其人民自由起見。俄國今既不復須作戰以求達此目的。則德奧與俄。不難接商一切。蓋奧皇與其同盟之帝皇。今皆同願與俄國人民。和好相處也。云云。此項宣言發表後。世人皆謂不啻爲奧國對俄提議媾和之公文。

同 十八日

●奧軍停戰……奧軍陣線之戰事。現全停止。

同 十九日

●西班牙內閣改組……西班牙首相羅瑪。因德德行慘酷之潛艇戰爭。勢難維持中立。故謀與德絕交。而多數國民之意。則不以爲然。因而辭職。現由參議院議長自由黨員泊里都氏。改組新內閣。新內閣外交政策。仍主嚴守中立。

同 二十日

●英外相赴美……英國外交大臣巴爾福等。奉特別使命赴美。

同 二十一日

●日本舉行總選舉……日本改選衆議院議員之總選舉。本日揭曉。政友會得一百六十名。憲政會得一百二十九名。國民黨得三十五名。中立得六十三名。計政府與黨共二百十六名。非政府黨一百二十五名。其結果政府大獲勝利。

33912

●德國發生暴動……德國瑪格台堡。因滅發麵包。發生暴動。罷工者一萬人。內以製造軍火者居多數。擬焚燬市政廳。兵士放鎗阻之。致死傷多人。

●土耳其與美國斷絕外交關係

同 二十七日

●美國行強迫兵役制……美國參眾兩院通過強迫兵役議案。規定練成陸軍二百萬人。

五月 三日

●智利與德絕交……智利與德國斷絕外交關係。駐德智利公使。已請德政府給以出境護照。

同 四日

●俄政府布告不單獨媾和……俄新政府外交總長米留柯夫氏。致牒協約國政府。聲明俄國決不與敵單獨媾和。堅抱最後勝利之決心。

同 八日

●遠東運動大會開會……第三次遠東運動大會。於本日在日本東京開會。與會者為中國日本菲律賓三國之運動家。以大隈侯為名譽會長。

●希臘革命風潮……希臘人民四萬人。在薩隆尼加開大會。要求廢希皇。并傾覆皇朝。

